

SANITÉ: Dai 5 d'otober inant pón indò se lascé vaciné cuntra les coies ti ambulators di doturs de fiduzia.

COMUN: Les prömes trèi edemes d'otober vègnel indò metü sö ti trèi paisc da San Martin, Lungiarü y Antermèia les bènes da sciurè ite i ciüf; al vègn racomané che tles bènes pól ma gní sciurè ite i ciüf, nia lades, fassli, bossi, peres y d'ater.

PLOANIES SAN MARTIN Y LUNGIARÜ

Da sègn inant, do che siur Klaus Sottsas é ince ploan d'Antermèia y Rina, ne vègnel nia plü dagnora la pröma domènia dl meis tles ploanies da San Martin y Lungiarü a dí mëssa, mo datrai ince la sabeda sèra, plü avisa:

domènia, ai 8 de novèmber,	domènia, ai 3 de jená,
sabeda, ai 5 de dezèmber,	sabeda, ai 6 de forá.

Le Sorvisc ai Jogn Val Badia lascia alsavèi che la palestra da San Martin é daverta tres de lõnesc dales 14.15 ales 17.15. Al vègn pitè n program de ativités desvalies por i scolars dla scora mesana y alta. Implü á i jogn y les jones la poscibilitè da sté en compagnia, fá jüc y se divertí.

SAN MARTIN

Le de dla Pröma Comuniun, ai 11 d'otober, vègnel resservé les proches da trames les perts fina jö amesa la dljia por les families (geniturs, fredesc, nëini y lãs, parènc) di mituns y dles mitans che vá ala Pröma Comuniun. Les atres proches é spo a desposiziun dla comunité, tan inant ch'al é lerch. Ince en chësc ann orunse festejé chësta bela festa tla comunité.

La Uniun dles Ères y di Èi invièia ala mëssa di maridá iubilars en domènia, ai 18 de otober. Düc i pers che é 10, 15, 20, 25, 30, 35, 40, 45, 50, 55 ... agn maridá é dër bel invia ala festa che vègn en chësc ann ma tignida te dljia. Chësc avis vel sciöche invit.

I oresson recordé da paie ite le contribut por la cõra de 40,00 euro por vigni persona che á compli 18 agn (tuc fora studènc) söl cunt dla cõra: IBAN: IT 11 J 08010 58830 000304004922. La ploania n'à dër debojègn. Por gauja dl Covid-19 él tomé fora cotan de ofertes y les spèises é impó.

Al Comité dla Uniun di Seniors ti desplejel dër ch'an n'á da d'aisciöda incá nia plü sciafié da s'incunté. Impó orunse se sintí unis y mète defata indò a jí val'.

Tla scora mesana parificada „Maria Hueber“ tl Herz Jesu Institut a Mühlbach cun pensionat por mitans pón se scrí ite cina ai 15 de dezèmber 2020 por l'ann de scora 2021/22. Interessá dess telefoné a 0472/849727 o tó sö contat por e-mail sekretariat@herzjesu-institut.it

Referat "I agn dla menopausa é cotan plü lisiers cun la dërta nudriziun y cun movimènt" tigní da Karin Hofer a Al Plan te calonia bas ite en dedemesaledema, ai 14 d'otober, dales 20.00. Prenotesse pro Elisabeth Alton 348 82 91 106 (dales 16.00 inant) cina ai 12 d'otober (organisè dala Uniun dles Ères).



Plata dles Ploanies San Martin y Lungiarü



siur ploan Klaus Sottsas 344 15 54 055 - klsottsas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunitè

04.10 - 11.10.20 nr. 45

27ª DOMÈNIA IA POR L'ANN - A

Vangele do Matí 21,33-44

Al é n patrun de n avèi che â fat na vigna, al l'à sigada ite, à ciavè fora na tortlara y à fat sö na tor. Spo àl afité ia la vigna a vignadus y s'un é jü te n'ater post. Canch'al é gnü le tèmپ dla racoiüda, àl ortié i fané dai vignadus a se fá dè süa pert di früc. Mo i vignadus à pochenè sü fané; un n'ài dramè adöm, n'ater ài copè, n terzo ài spedrè. Sön chëra àl ortié d'atri fané, deplü co le pröm iade; cun chi ài fat bel avisa insciö. Inultima ti àl ortié so fi, deach'al se ponsà: Dan da mi fi arai bëgn respet. Canche i vignadus l'â odü, ài dit un al ater: Chësc é l'arpadù! I le copun, ch'i arpunse so avèi.

Y ai l'à pochenè, l'à sciurè fora dla vigna y l'à copè.

Canch'al vègn le patrun dla vigna:
Cî sozedaral pa cun de te' vignadus?

Ai ti à respognü:

Al i fajarà fá na burta fin a chi malandrins,
y la vigna ti afitalaral a d'atri vignadus,
che ti darà jö i früc dal dër tèmپ.



Incö sunse d'atri co laota ch'i ascutun chësta parabola. Se sintiunse baiá ados? Che podess pa ester chi fanc mená dal patrun che nos ne reconesciun nia y ne soportun nia? Forsc i püri, a chi ch'i ne ti consintiun nia ci ch'ai adora, magari nia aposta, mo con nosta maniera da vire? Portunse i früc che Chël Bel Dî s'aspeta da nos? Co la toli pa iö cun la parora ch'al me dij incö? M'un feji val' adinfora o ne n'oi gnanca l'aldí ne? La buna noela de chësta domènia é sciöda, mo impó buna. Ara é buna, deache ince te chësta parabola se tratera de vita implida, de vita implida por me y por i atri, vita che se lascia arjunje sc'an se prö. I mëssi porté früt, ince sc'al é ma püch por gauja de mia pücia forza. (Image)

EDEMA LITURGICA	SAN MARTIN	LUNGIARÜ	 Tl mëis d'otober periunse do l'intenziun dl Papa che i laics - dantadöt les ëres - ciafes por la grazia dl bato deplü responsabilités tla Dlijia.
04.10.20 27^a DOMËNIA - ann A <i>San Francësch</i> Domënia dl Rosare	9.00 Prozesciun dl Rosare 9.30 Gran Mëssa por la Comunità + suor Iustina Pescollderungg + Florian Terza, Les Ciasas, La Pli	7.55 Corona d'otober 8.15 Gran Mëssa por la Comunità por chi che præia le Mister dl Rosare	 La oraziun dla corona n'é pordërt nia na oraziun a Santa Maria mo na oraziun orientada sön Gejù Crist. Cun i goroi dla spaternöra y la repetiziun dl "Ave Maria" él Maria che nes condüj ite ti contignüs plü importanc de nosta fede. Y tignis por la man dala uma y dal pere pó ince i mituns imparé chësta oraziun y conësce la belëza dla fede. Te san Francësch d'Assisi s'á la bunté y l'amur de Chël Bel Dî mostré söla tera, la bunté y l'amur de Dî por dotes les creatöres. Francësch ti pordica ai vici, inzartiëia le ri lu de Gubbio. Ai 29 de novëmer 1979 é san Francësch gnü detlaré da Jan Paul II patron dla sconanza dla natöra. L'amur de chësc Sant por dōta la creaziun é ince a funz dla protlamaziun dl 4 d'otober sciöche "De mondial dla sconanza di tiers".
05.10.20 Lönesc <i>Faustina Kowalska</i>	19.00 Prozesciun söl tru de meditaziun y funziun te dlijia en onú de Sant Ojöp da Oies		
06.10.20 Dedolönesc <i>Bruno, Renato</i>	19.30 Mëssa dl ann + Maria Pedevilla + Tone Rindler de Pal d'Al Plan		
07.10.20 Dedemesaledema <i>S. Maria dl Rosare, Iustina</i>	18.00 Corona d'otober	7.30 Mëssa 2 ^a de sopoltöra de Ferdinando Clara vis y def. fam. de Rita Clara ++ da Valacia, Seres dedô: Corona d'otober	
08.10.20 Jöbia <i>Scimun, Sara, Laurënzia</i>	7.30 Mëssa + Sepl Flöss, d'Arzó por les püres Animes (<i>degöna corona</i>) do mëssa: Confesciun mitans y mituns dla pröma Comuniun		
09.10.20 Vëndres <i>Dionise, Sibila</i>	18.30 Adoraziun chîta 19.00 Adoraziun deboriada	7.30 Mëssa ++ Paratscha + Paola Obojes, Craizer d'Al Plan	
10.10.20 Sabeda <i>Daniel Comboni, Victor</i>	18.30 Mëssa prefestia + Maria Unterweger ++ Clara y Otto Zingerle	20.00 Mëssa prefestia 3 ^a de sopoltöra de Ferdinando Clara dl ann + Rita Pezzei, Emma y Paul Mischi ++ + Vinzenz, Anna y Casper Clara, Postin + Roslinda Deiacó	
11.10.20 28^a DOMËNIA - ann A	FESTA DLA PRÖMA COMUNIUN 9.30 Ingres dala scora y Mëssa solëna de rengraziamënt dla S.ma Eucaristia 14.00 Bato de Caterina Dejaco	FESTA DLA SEGRA DA LUNGIARÜ 7.55 Corona por + Ferdinando Clara 8.15 Mëssa solëna por la Comunità	